



**Broj: 02-50-1-16-16/08
Sarajevo: 16.4.2008. godine**

**ZAPISNIK
16. sjednice Doma naroda
Parlamentarne skupštine Bosne i Hercegovine,
održane 16.4.2008.godine**

Sjednica je počela u 14,10 sati.

Sjednicom je predsjedavao Mladen Ivanić, prvi zamjenik predsjedavajućeg Doma naroda Parlamentarne skupštine BiH.

Prisustvovalo je 14 delegata.

Delegat Sulejman Tihic opravdao je odsustvo.

Osim delegata, na sjednici Doma naroda bili su predstavnici Vijeća ministara BiH, međunarodnih organizacija i sredstava javnog informiranja.

Nakon diskusije u kojoj je učestvovao Slobodan Šaraba, Dom naroda jednoglasno je usvojio sljedeći

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika sa 15. sjednice Doma naroda;
3. Zahtjev Predstavničkog doma PSBiH za razmatranje Prijedloga zakona o nezavisnim i nadzornim tijelima policijske strukture Bosne i Hercegovine po hitnom postupku, u skladu sa članom 122. Poslovnika Doma naroda;
4. Zahtjev Predstavničkog doma PSBiH za razmatranje Prijedloga zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine po hitnom postupku, u skladu sa članom 122. Poslovnika Doma naroda;
5. Zahtjev Predstavničkog doma PSBiH za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu sa članom 122. Poslovnika Doma naroda;
6. Prijedlog zakona o kretanju i boravku stranaca i azilu (drugo čitanje), predlagač: Vijeće ministara BiH;
7. Prijedlog zakona o izmjenama i dopunama Zakona o Službi za poslove sa strancima (drugo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine (prvo čitanje), predlagači delegati: Ilija Filipović, Mladen Ivanić i Alma Čolo;
9. Prijedlog zakona o lijekovima i medicinskim sredstvima (prvo čitanje), predlagač: Vijeće ministara BiH;
10. Prijedlog zakona o plaćama i naknadama u institucijama Bosne i Hercegovine (prvo čitanje), predlagač: Vijeće ministara BiH;
11. Prijedlog zakona o izmjenama i dopunama Zakona o jedinstvenom matičnom broju (prvo čitanje), predlagač: Vijeće ministara BiH;

12. Prijedlog zakona o izmjenama i dopunama Zakona o ličnoj karti državljana Bosne i Hercegovine (prvo čitanje), predlagač: Vijeće ministara BiH;
13. Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine (prvo čitanje), predlagač: Vijeće ministara BiH;
14. Prijedlog zakona o Fiskalnom Vijeću u Bosni i Hercegovini, prvo čitanje, predlagač: Vijeće ministara BiH;
15. Davanje saglasnosti za ratifikaciju Odluke o ratifikaciji „eSEE“ Agenda plus za razvoj informacionog društva u Jugoistočnoj Evropi – SEE 2007-2011;
16. Davanje saglasnosti za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnersvu za mir o pravnom položaju njihovih snaga.

Ad.1. Odgovori na delegatska pitanja i delegatska pitanja;

Odgovor na delegatsko pitanje postavljeno na 14. sjednici Doma naroda dobio je delegat Slobodan Šaraba, koji će se na narednoj sjednici izjasniti da li je delegat zadovoljan dobijenim odgovorom.

Delegat Dušanka Majkić postavila je sljedeće pitanje Kolegiju oba doma Parlamentarne skupštine BiH:

„Kao što smo obavješteni iz medija, po nalogu Tužilaštva BiH, juče su pripadnici državne Agencije za istrage i zaštitu izuzeli određenu dokumentaciju o poslovanju BHRT. Kako smo obavješteni, SIPA je po nalogu tužioca za opšti kriminal, međunarodnu saradnju i terorizam izuzela određenu dokumentaciju a u vezi sa revizorskim izvještajima za 2005. i 2006. godinu obe institucije.

Zajednički Kolegijum oba doma Parlamentarne skupštine BiH jednoglasno je podržao inicijativu Predstavničkog doma i postigao saglasnost da se na zajedničkoj sjednici oba doma Parlamnetarne skupštine održi Rasprava na temu „Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu“.

Sjednica oba doma Parlamentarne skupštine planirana je da se održi krajem marta ili početkom aprila, s tim da će se tačan termin naknadno utvrditi.

S obzirom na alarmantno stanje u ovom javnom servisu, molim Kolegijum da me obavjesti kada će se održati ova sjednica“

Delegat Ilija Filipović postavio je sljedeće pitanje Vijeću ministara BiH:

„S obzirom da je za provedbu Okvirnog zakona o visokom obrazovanju u Bosni i Hercegovini, kao iza koordinaciju i razvoj visokog obrazovanja u Bosni i Hercegovini odgovorno ministarstvo civilnih poslova BiH, a što je dužno činiti uz konsultacije s drugim nadležnim ministarstvima, **pitam** :

1. Zašto se implementacija navednog zakona provodi bez suradnje sa kantonalim/županijskim ministarstvima, budući da je odredbom članka III. 4. b) Ustava Federacije BiH „utvrđivanje obrazovne politike, uključujući donošenje propisa o obrazovanju i osiguranje obrazovanja“ propisano kao isključiva nadležnost kantona/županija, a ne Federacije BiH?

2. Zašto se u procesu implementacije navedenog Zakona, poglavito u nastojanju utemeljelja najvažnijeg tijela državne Agencije za razvoj visokog obrazovanja i osiguranje kvalitete, u postupak predlaganja kandidata za članove Upravnog odbora ove Agencije, kao samostalne upravne organizacije, Odlukom resornog ministra od 27. veljače 2008. godine uključuje ministarstvo obrazovanja i nauke FBiH, čije

nadležnosti u oblasti visokog obrazovanja, ne poznaje niti Ustav niti Okvirni zakon o visokom obrazovanju u BiH?

3. Hoće li i kada resorni ministar zbog već navedenih razloga povući spomenutu Odluku o utvrđivanju kriterija za izbor i imenovanje članova Upravnog odbora Agencije za razvoj visokog obrazovanja i osiguranje kvalitete, jer su na četiri mjesta u tri točke spomenute Odluke (U toč. V, VI. i VII.) zaboravljeni ili namjerno izostavljeni kantoni/županije, a naveden oba entiteta ili federalno ministarstvo obrazovanja, što nema ustavnog niti zakonskog uporišta?

4. U osporavanoj Odluci o utvrđivanju i kriterijima za izbor i imenovanje Upravnog odbora Agencije za razvoj visokog obrazovanja i osiguranje kvaliteta, djeluje zbunjujuće tekst, na kraju točke V. : „Ministarstvo prosvjete i kulture Republike Srpske će u ukupnom broju predloženih kandidata uključiti i kandidate Odjeljenja za obrazovanje Brčko Distrikta BiH“ iako je jasno definiran pravni položaj ovog Distrikta, citirani tekst otvora dvojbu : je li Brčko, Distrikt BiH ili Distrikt RS?

5. Zašto se ignoriraju zahtjevi Sveučilišta u Mostaru i drugih sveučilišta u BiH, prezentirani resornom ministarstvu, da se na temelju njihovih primjedbi, na Vijeću ministara utvrde Izmjene i dopune Okvirnog zakona o visokom obrazovanju u BiH i dostave Parlamentarnoj skupštini BiH na razmatranje i usvajanje“?

Delegat Slobodan Šaraba postavio je sljedeće pitanje Vijeću ministara BiH:

„Šta će preduzeti Ministarstvo bezbjednosti na rješavanju problematike smanjenja vremena čekanja prilikom prelaska državne granice između BiH (Republike Srpske) i Crne Gore na graničnom prelazu Sitnica.“?

Ad. 2. Usvajanje Zapisnika sa 15. sjednice Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zapisnik 15. sjednice Doma naroda.

Ad. 3. Zahtjev Predstavničkog doma PSBiH za razmatranje Prijedloga zakona o nezavisnim i nadzornim tijelima policijske strukture Bosne i Hercegovine po hitnom postupku, u skladu sa članom 122. Poslovnika Doma naroda

U raspravi o ovoj tački dnevnog reda učestvovali su: Hazim Rančić, Zoran Koprivica, Dušanka Majkić, Alma Čolo, Božo Rajić, Mladen Ivanić, Branko Zrno, ministar sigurnosti BiH Tarik Sadović, Adem Ibrahimpašić, Drago Ljubičić, Hilmo Neimarlija, Rudo Vidović, Slobodan Šaraba i Ivo Miro Jović.

Sa 10 glasova „za“ i 4 glasa „protiv“ usvojen je Zahtjev za razmatranje Prijedloga zakona po hitnom postupku, nakon čega je, sa 10 glasova „za“ i 4 glasa „protiv“, usvojen i Zakon o nezavisnim i nadzornim tijelima policijske strukture Bosne i Hercegovine.

Ad. 4. Zahtjev Predstavničkog doma PSBiH za razmatranje Prijedloga zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine po hitnom postupku, u skladu sa članom 122. Poslovnika Doma naroda.

U raspravi o ovoj tački dnevnog reda učestvovali su: Hazim Rančić, Zoran Koprivica, Dušanka Majkić, Alma Čolo, Božo Rajić, Mladen Ivanić, Branko Zrno, ministar sigurnosti BiH Tarik Sadović, Adem Ibrahimpašić, Drago Ljubičić, Hilmo Neimarlija, Rudo Vidović, Slobodan Šaraba, Ivo Miro Jović i predstavnik Predstavničkog doma, Beriz Belkić.

Sa 10 glasova „za“ i četiri glasa „protiv“ usvojen je Zahtjev za razmatranje Prijedloga zakona po hitnom postupku, nakon čega je, sa 10 glasova „za“ i četiri glasa „protiv“, usvojen i Zakon o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine.

Ad. 5. Zahtjev Predstavničkog doma PSBiH za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu sa članom 122. Poslovnika Doma naroda

U raspravi o ovoj tački dnevnog reda učestvovali su: Dušanka Majkić, predsjedavajući Predstavničkog doma PSBiH, Milorad Živković i Ilija Filipović.

Sa 12 glasova „za“ i jednim glasom „protiv“ usvojen je Zahtjev za razmatranje Prijedloga zakona po hitnom postupku, nakon čega je sa 12 glasova „za“ i jednim glasom „protiv“, usvojen i Zakon o izmjenama i dopunama Izbornog zakona Bosne i Hercegovine sa sljedećim zaključkom:

„Dom naroda PSBiH traži od Centralne izborne komisije da izradi prečišćeni tekst Izbornog zakona i dostavi Parlamentarnoj skupštini BiH na razmatranje i usvajanje“.

Ad. 6. Prijedlog zakona o kretanju i boravku stranaca i azilu (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Delegat Alma Čolo obnovila je amandman koji, sa četiri glasa „za“, četiri „protiv“ i tri „suzdržana“ glasa, nije usvojen.

Nakon izjašnjavanja o amandmanu Alme Čolo, Dom naroda jednoglasno je usvojio Zakon o kretanju i boravku stranaca i azilu u identičnom tekstu kao i u Predstavničkom domu.

Ad. 7. Prijedlog zakona o izmjenama i dopunama Zakona o Službi za poslove sa strancima (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o Službi za poslove sa strancima u identičnom tekstu kao i u Predstavničkom domu.

Ad. 8. Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine (prvo čitanje), predlagači delegati: Ilija Filipović, Mladen Ivanić i Alma Čolo

U raspravi o ovoj tački dnevnog reda učestvovali su: Dušanka Majkić, Ivo Miro Jović, Ilija Filipović, Alma Čolo i Zoran Koprivica.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine s inicijativama koje je predložila Interresorna radna grupa kao i Izvještaj o radu Interresorne radne grupe.

Dom naroda jednoglasno je usvojio i sljedeći zaključak:

„Dom naroda traži od Vijeća ministara BiH da u najkraćem roku osnuje novu interresornu radnu grupu za izradu novog Zakona o sukobu interesa u institucijama vlasti BiH u kojoj će učestvovati predstavnici Ministarstva pravde BiH, Centralne izborne komisije BiH i Parlamentarne skupštine BiH. Iz Doma naroda PSBiH u Interresornu radnu grupu imenovani su: Mladen Ivanić, Alma Čolo i Ilija Filipović“.

Ad. 9. Prijedlog zakona o lijekovima i medicinskim sredstvima (prvo čitanje), predlagač: Vijeće ministara BiH

U raspravi o ovoj tački dnevnog reda učestvovala je Dušanka Majkić.

Doma naroda jednoglasno je usvojio u prvom čitanju Prijedlog zakona o lijekovima i medicinskim sredstvima.

Ad. 10. Prijedlog zakona o plaćama i naknadama u institucijama Bosne i Hercegovine (prvo čitanje), predlagač: Vijeće ministara BiH

U raspravi o ovoj tački dnevnog reda učestvovali su: Dragan Vrankić, ministar finansija i trezora BiH, Mladen Ivanić, Božo Rajić i Alma Čolo.

Doma naroda jednoglasno je usvojio u prvom čitanju Prijedlog zakona o plaćama i naknadama u institucijama Bosne i Hercegovine.

Ad. 11. Prijedlog zakona o izmjenama i dopunama Zakona o jedinstvenom matičnom broju (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o jedinstvenom matičnom broju.

Ad. 12. Prijedlog zakona o izmjenama i dopunama Zakona o ličnoj karti državljana Bosne i Hercegovine (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Doma naroda jednoglasno je usvojio u prvom čitanju Prijedlog zakona o izmjenama i dopunama Zakona o ličnoj karti državljana Bosne i Hercegovine.

Ad. 13. Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Doma naroda jednoglasno je usvojio u prvom čitanju Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine.

Ad. 14. Prijedlog zakona o Fiskalnom vijeću u Bosni i Hercegovini (prvo čitanje) predlagač: Vijeće ministara BiH

Rasprava o ovoj tački dnevnog reda nije vođena.

Doma naroda jednoglasno je usvojio u prvom čitanju Prijedlog zakona o Fiskalnom vijeću u Bosni i Hercegovini.

Ad. 15. Davanje saglasnosti za ratifikaciju Odluke o ratifikaciji „eSEE“ Agenda plus za razvoj informacionog društva u Jugoistočnoj Evropi – SEE 2007.-2011.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Odluke o ratifikaciji „eSEE“ Agenda plus za razvoj informacionog društva u Jugoistočnoj Evropi – SEE 2007.-2011.

Ad. 16. Davanje saglasnosti za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnersvu za mir o pravnom položaju njihovih snaga

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnersvu za mir o pravnom položaju njihovih snaga.

Sjednica je završena u 17,40 sati.

Sastavni dio ovog zapisnika čini neautorizirani transkript 16. sjednice Doma naroda.

**SEKRETAR
DOMA NARODA**
Marin Vukoja

**PRVI ZAMJENIK
PREDSJEDAVALJUĆEG
DOMA NARODA**
dr. Mladen Ivanić